



Sámi allaskuvla
Sámi University of Applied Sciences

OAHPPOPROGRAMMAPLÁNA

DUODJE- JA HÁBMENBACHELOR

180 oahppočuoggá

Dohkkehuvvon Dutkan- ja oahppostivrras čoahkkimis 13.12.16, áššis 96/16. Rievdadusat dohkkehuvvon mearrádusnotáhta bokte 23.05.18, Public áššenr. 18/00167.

1. Prográmma namma ja grádanamahus

Sámegillii: Duodje- ja hábmenbachelor

Dárogillii: Bachelor i duodji og design

Engelsgillii: Bachelor of Duodji and Design (Sámi Traditional and Applied Arts)

Oahppokoda: DUO 200

2. Oahppoprográmma viidodat

Bachelorgráda viidodat lea 180 oahppočuoggá (oč) golmma jagi oahppu.

3. Sisabeassangáibádusat

Dábalaš sisabeassangáibádusat alitoahpahussii. Sisabeassanvuodđu sáhtá leat juogo oppalaš lohkan gelbbolašvuotta (čadahan joatkkaskuvlla/logahaga/gymnása) dahje reálagelbbolašvuotta. Dasa lassin gáibiduvvo sámegielmáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuotta man dási gelbbolašvuotta ohccis lea, de ášši ovddiduvvo fágalaš árvoštallamii ja meannuduvvo dán vuodul.

Ohcci galgá sáddet sisa 8-10 gova iežas dujiin duodje- dahje dáidda- ja hábmenfágalaš gelbbolašvuoda duodaštussan. Jus ohccis lea fágabreava duojs, duodjeoahput duodjeskuvllas dahje eará vástideaddji duodjeoahppu, de sáhtá sáddet sisa fágabreava dadje oahppoduodaštusa, ja oazžut dan dohkkehuvvot duodje- dahje dáidda- ja hábmenfágalaš gelbbolašvuoda duodaštussan.

4. Oahpahusgiella

Oahpahusgiellan lea dábalaččat davvisámegiella. Oahpahus sáhtá leat maiddái eará sámegielaide, skandinávalaš dahje eangalgillii. Eará gielaid oahpahus sáhtá dulkojuvvo dárbbu mielde. Eará sámegielat studeanttaide láchčo dilli nu ahte sii sáhttet čállit bargguid iežaset sámegillii.

5. Oahppanjoksosat

Máhttu ja diehtu:

Kandidáhtta

- lea háhkan vuđolaš dieđuid ja máhtuid duodjefága guovddášfáttáid, čuolmmaid, proseassaid, ávdnasiid ja bargovugiid birra
- diehtá duoji árbevieruid ja iešvuodaid
- dovda dutkan- ja ovdánahttinbargguid
- lea háhkan vuđolaš dieđut duodjehámiin ja dujiin iešguđet guovllus Sámis

- diehtá mo gaskkustit duoji ja iežas duodjemuitalusa sámi, eará eamiálbmot – ja stuorát servodahkii
- máhtá čilget fágalaš välljemiid
- dovdá eará eamiálbmogiid duoji ja hábmema árbevieruid
- ádde entreprenevravuoda ja bistevašvuoda iežas duddjonvälljemiin

Gálggat:

Kandidáhtta

- máhtá plánat ja čadahit iešgudetlágan bargguid ja proševttaid áiggi dáfus, okto , joavkkus ja ehtalaččat
- máhtá ohat, árvoštallat ja čujuhit dieđuide ja gálduide fágalaš čuolmmaid čoavddedettiin
- máhtá hálldašit relevánta fágalaš reaidduid, ávdnasiid, teknikaid ja duddjon- ja hábmenvugiid
- máhtá čadahit ja dokumenteret bargoproseassa álgoideas gitta loahppabohtosii

Oppalaš gelbbolašvuoha:

Kandidáhtta

- máhtá geavahit iešgudetlágan hutkás lahknanvugiid dujiid ovdánahtedettiin
- máhtá juogadit ideaid ja vásáhusaid earáiguin iežas fágasuorggis
- máhtá geavahit digitála veahkkeneavvuid duddjomis ja gaskkusteamis
- máhtá kritihkalaččat reflekteret iežas ja earáid duddjonpraksisa, ja bidjat dan viidát servodatlaš oktavuhtii ja čatnat oktii relevánta teoriijaiguin
- máhtá jurddašit bistevaččat fágasuorggis
- máhtá gaskkustit njálmmálaččat ja čálalaččat duddjon- ja hábmenfágalaš čuolmmaid iešgudetlágan birrasiin
- dovdá áigequovdilis duddjon- ja hábmenfágalaš ovdánahttinbargguid ja atnit daid ávkin iežas duddjončovdosiin

6. Oahpu oppalaš sisdoallu

Bacheloroahppu lea golmma jagi vuodđooahppu. Bachelorprográmmas lea vuolggasadji duddjon,- ja hábmenvugiin, estehtalaš vásáhusain ja teorehtalaš refleksuvnnain. Studeanta ahtanušša oahpus go beassá hárrjehallat ja reflekteret iežas bargguid ja teoriijaid vuodul. Bachelorprográmma deattuha duodjefágalaš čuolmmaid ja čovdosiid mat dorjot ekologalaš, kultuvrralaš, sosiálalaš ja ekonomalaš bistevašvuoda.

Oahppu deattuha duodje- ja hábmenproseassaid main studeantta dovddiida duodjái, ja mas beassá ovdánahttit iežas duodjebuktaga ja ámmátlaš hálldašeami. Duddjon, refleksuvdna, vásáhusat, duodje- ja dáiddalaš čehppodat ja buktagat deattuhuvvojit, ja teorehtalaš ákkastallamat ja jurddašeami galget doarjut duddjon- ja hábmen bargguid. Oahppu addá vuodđodieđuid sámi ja eará álgoálbmogiid duodje- ja dáiddadieđus. Oahppu addá studeanttaide hárrjáneami geavahit sámegeiela go galget buktit ovdan iežaset vásáhusaid duddjomis, ja go galget dieđalaččat ákkastallat bargguid.

7. Prográmmahuksehus

Bachelorprográmma bistá golmma jagi ja lea 180 oahppočuoggá, mii sisttisdoallá 30 oč oktasaš vuodđooahpuid, 60 oč duodjefágalaš vuodđooahput, 40 oč duodjefágalaš čiekjudanoahpuid, ja 50 oč doarjjafágaid maid studeanta ieš vällje ja maid allaskuvla dohkkeha prográmma oassin.

Oahppu berre čadahuvvot čuovvovaš progrešuvnnain:

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101 Eamiálbmot filosofiija, 10 oč	DUO 102 Bistevaš design, 15 oč	DUO 104 Árbevirolaš duoji bajásdoallan ja ealáskahttin, 15 oč	DUO 244 Duodji ja ovdánahttin, 30 oč	Doarjjafágat, 30 oč	DUO 290 Duoji ja hábmema bachelorbargu, 10 oč
OKT 102 Diedalaš čállin ja guorahallan, 10 oč	DUO 120 Eamiálbmot duodje- ja dáiddadiehtu, 15 oč	DUO 105 Plánen, hutkáivuohta ja duddjon, 15 oč			Doarjjafágat, 20 oč
DUO 101 Duddjoma ja hábmema bargovuogit, 10 oč					

Geatnegahtton oassi:

Oktasaš vuodđooahput:

- OKT 101 Eamiálbmot filosofiija (10 oč)
- OKT 102 Diedalaš čállin ja guorahallan (10 oč)
- DUO 101 Duddjoma ja hábmema bargovuogit (10 oč)

Duodjefágalaš vuodđooahput:

- DUO 102 Bistevaš design (15 oč)
- DUO 120 Eamiálbmot duodje- ja dáiddadiehtu (15 oč)
- DUO 104 Árbevirolaš duoji bajásdoallan ja ealáskahttin (15 oč)
- DUO 105 Plánen, hutkáivuohta ja duddjon (15 oč)

Duodjefágalaš čiekŋudanoahput:

- DUO 244 Duodji ja ovdánahttin (30 oč)
- DUO 290 Duoji ja hábmema bachelorbargu (10 oč)

Válljenmuni oassi:

Doarjjafágat leat fáttát/oahput maid ieš vällje, ja dahket oktiibuot 50 oč. Doarjjafágaid sáhtta välljehohtit viđat lohkanbajis. Doarjjafágaid sáhtta maid váldit eará universitehtain dahje allaskuvllain, dainna eavttuin ahte Sámi allaskuvla dohkkeha daid oassin duoji bachelorii.

Buot fágat/ávdnasat berrejit välljejuvvot nu, ahte dorjot studeantta ahtanuššama ja fágalaš oktiigullevažvuoda. Doarjjafágat maid Sámi allaskuvla fállá áiggis áigái leat:

- Duodji 2 (30 oč)
- Duodjediehtu ja sámeigiella (10 oč)
- Duoji ja dáidaga/hábmema hálddašepmi (10 oč)
- Duodji, beaggin ja márkanfievrrideapmi (20 oč)
- Duodji ja haddebidjan (5 oč)
- Duddjon- ja sámeigiella (15 oč)

- Duodji ja julevsámegeiela teoriija/giellageavaheapmi duojsis (10 oč)
- Duedtije jih áarjelsaemien gieles (Duodji ja máttasámegeiela teoriija/giellageavaheapmi duojsis) (10 oč)
- Gálvodujiid buvttadeapmi (15 oč)
- Duodje- ja digitála mitalusat (15 oč)
- Sámegeiella fágat
- eará relevánta fágat Sámi allaskuvllas maid fágabiras árvvoštallá

8. Oahpahan ja oahppanvuogit

Bachelorgráda oahpu čadaheamis deattuhuvvo iešheanalášvuohta ja mielváikkuheapmi. Bargobájit, duddjon, hárhjehusat, ruovttubarggut, ságastallamat, digaštallamat, joavkobarggut ja oktagaslaš bagadallan leat bargovuogit ovttaskas fáttáiguin ja bachelorgrádadutkosiin. Studeantta iežas bargu iežas oahppama oktavuodas deattuhuvvo. DGT geavahuvvo jámma veahkkeneavvun ja gulahallangaskaopmin, earenoamážit Digigiissá dahje eará gulahallangaskaomiid. Studeanttat galget čadahit suodjaluskurssa ovdal go geavahišgohtet duodjelanjaid ja rusttegiid.

Studeanttat berrejit fáttáid maŋŋil gávnadit ja ovttas guorahallat sin iežaset dujiid, ja nu maiddáid ovddidit refleksuvnnaid ja maiddáid duoji ja duodjejurddašeami. Danne leat studeanttat geatnegahtton oassálastit unnimustá 75 % lágiduvvon oahpaheapmái, mii fálljuvvo buot fáttáin, fágalaš kontinueitehta ja studeantajoavkku(id) oahppama dihtii.

Studeanttat galget juohke fáttás ain árvvoštallat oahpahusa ja iežaset oahppanproseassa. Dakkár árvvoštallan galgá čadahuvvot sihke čálalaččat ja njálmmálaččat. Juohke fáttás galgá dábaláččat leat čálalaš loahppaárvvoštallan.

Bargovuogit bohtet muđui ovdan iešguđetge oahpu sierra oahppoplánas.

9. Árvvoštallanvuogit

Árvvoštallanvuogit bohtet ovdan prográmma iešguđege oahpu sierra oahppoplánas.

10. Bargo- ja joatkkaoahppovejolašvuodát

Bachelorgráda addá vuodđogelbbolašvuoda álgit Duoji masterii. Jus lassin lohka Praktikalaš pedagogalaš oahpu (PPO), de oahppu addá oahpahangelbbolašvuoda duojsis dahje hábmemis vuodđoskuvllas, joatkkaskuvllas ja rávisolbmuid oahpahasas. Bachelorgráda addá vuodu bargat ásahusain main duodji/dáidda/hábmen lea guovddážis, omd. duodjeásahusain, museain, kulturskuvllain, ja teáhteriin, dahje jođihit iežas duodje- dahje dáiddafitnodaga.

11. Eará diedut

Kvalitehtasihkarastin:

Čujuhuvvo Sámi allaskuvlla kvalitehtasihkarastinvuogadáhkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofáldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraportta vuodul.